



| | | | |
|--|--|--|----------------------------------|
| Tunijauvianun Ublua: Niqiliqivik 2007 | Ihuaqhaqtauhimajuq Ublua: Qitiqqautiyuq 1, 2024 | Havaaluagijaat Havagvik: Havavik tapfumuna Maniktigut Tamaini/Manikhakhautikhanik Aulapkainiit | Tiliurut Nappaa: 820-1 |
| Nakataa: Munaqhijut Akiliqtakhanik | | | |
| Maliktaghat Atia: HAVAGIAQHUTIK AULLAAQTUT | | | |

1. ATUGAKHAQ

Inuulikiyiit havaktiit akiliuhiaruutigihunguyain ihuinakhimagaluaqlutik akiliktuqparaini aullakhimavaktilugu havaaminun akilikgiaqaqtuqhautinik ihuaqhakhimayaini Uiuaggani A hafumani atuquyayunik.

Nunalaani havaktiuyut aulaaqyauhimayun tapkunga Nunavut Kavamatkungit talvuna angigiikhimayunik pinnahuarutinut ilaudjuutigitaqtuut havaktinik uuktuqtuq havakhautikhamik, nalliak ilauyuumabluni katimayiini, katimayiit nalliak alaanut angiutikhanut pivalladjutikhanik, imalu akiliuhiaruutigihunguyain naunaitkutaatilugit hapkuununa atuquyayuni.

2. TILIURUT

Aullakhimayuq havaaminun unalu attautimiuyuunik atuukikhimayut manihakhanik, akiliktuqariaqaqtunik, unalu akiliuhiarutigihunguyain angikhimayayukhat imalu munarittiaqtukhayut malittiaqlugit talvuna atuquyayunik.

2.1. Uuktuutikhat

Una maligakhaut piyuq tamainnut aullaktitauvaktunun havaamingnun naunaitkuutakhanik havakhimayunik hannaikhimavaktakhagiyaait tamainnun aullaktitauvaktunun havaamingnun (ilaulugit nunalaani havaktiungitun).

Tamainnun havakti qanurinniarungnaqhiyaan qanuritungumitku imalunin "uvani aullakhuni naunaitkotalikmik" imalu angut/angnak tikuakhimayunut tapfumuna hanaqidjutat ilangani atanguyani talvani, kihimi angut/angnak havaakhautait alaamut havavikmun talvuna pilluaruutikhanik pidjutikhautikhanik pinnariktukhanik nalliak nuutqaqtitihimaitumikluuniit.

Una Atuqyauyuq naunaitkuhiqhimayuq talvuuna kituliqaak katitigiyaangat angirutikhaanik ilauniaqtuq tapkuninga Nunavut Kavamatkuni.

2.2. Angirutikharnik Havaatigun Aulaqhimayuq Tingmitikut Aulahimayut Akiliktaghangitlu

Tamna angirutiqhimayuq havaatugun tingmihimayuq tukhiqtukhaq tingmidjutikharnik akikharnik angirutiqagiikhimayukhaq hivunirmi talvani Tingminiaqtunik Angirutaani Akiliktukhimaagtangniklu Utiqtitigiaqaqtunik Maningit titirangni naunaittiaqhimayukhat tingmidjutingnik aulavikhangit nallautiqhimayunik akikharnik naunaiyagiikhimayut talvuuna iluani ilauhimayut titiqani. Akhuqhairutikharnik angirutikharnik havaktunik tingmiyukharnik imaatun ilauniaqtuq:

- 1) Ministangit angirutikharnik nanminigiyainik havaktunik tingmiyukharnik akikhangitlu Kanatami.
- 2) Ministat Tuklia Atanguyauyut akhurutikharnik angirutikhainik aulatitiyaangat nanminigiyainik havaamingnun tingmidjutikharnik, kihiani, uqautigiyakhait Ministangit titirakkut aulaniaqtainik tingmiyaangat talvuuna ikaaknikkut qilaminuaq aulaqtinik, Ministangitlu angirutiaqaqtukhat akikhangit akiliktautinik.

Taima unaguikhilangnaiqtunik havaamingni ilaugumi talvuuna havaamingnun tingmidjutiginaqtainik, tamna tingmidjutikhaq tukhiqtauhimayut ihivriuqtauniaqtun atiliuqtauyukharlu Ministamin. Tamna tingmidjutikhanga piqaqtukhat ilauyuharnik Tingmidjutikhat Angirutikharnik Akiliktaudjutikharnik Maningnik titirangmik, tamna Hivunirmun Tingmidjutikhaq Angirutikhaq titiraq (pigiaqagumi) atiliuqhimayukharlu titiraq tingmidjutiginaqtaingit.

- 3) Ministam Tuklia Atanguyaq munagiyukhaq havaaminun tingmidjutikharnik akikhangitlu havaktinun talvani havakviani havaktitigiaqaqtunlu allamik havaktukharnik akhurutikharnik angirutikharnik havaaminun tingmidjutiginaqtainik akikhangitlu anmutqiamun havaktiunun. Allamik havaktikharnik akhurutikharnik naunaittiaqhimayumik piqaqtukhaq titiraqhimayukharlu.

- 4) Havaaminun tingmidjutikharnik tingminiaqtunik Ministaungitun Tuklia Ministamun Atanguyayuq angirutiqagiihimayukhat, talvani Tingminiaqtunik Akhurutikharnik Angirutikhaanik Akiliktauyukharnik Maningnik titirangnik, talvanga tingminiaqtuq atanguyarnin, nunalaanilu havaktiuyunin angayukhiqluarmin havaktiqaqtukhat tingmidjutikharnik angirutikharni, tamna tingminiaqtuq atanguyangit piqangituq tingminiaqtunik angirutikharnik.
- 5) Kitumilikiak havaatigun, nunalaani ihumagiyaungituq nutqaqtitiyaangat tingmidjutikhangit piyaangat angirutikharnik, tamna angirutikhaq pigiaqaqtunik aulavikharnik talvuuna tingmidjutiginiyaqtainik.
- 6) Tingminiaqtun ausaimi Nunavunmin angirutiqaqtukhaq tingminiaqtuq Tuklia Ministam Atanguyarnin (havaktingitluut).
- 7) Ministat tingminiatun ausiamin Kanatamin kavamangit akiliktuniaqtainik qiniqhimayukhat Hivuliqtim angirutikharnik aulagtinainik.
- 8) Havaamingnun tingminiaqtun ausaimin Kanatami, allanin Ministamin, angirutiqaqtukhaq talvuuna tingminiaqtunik Ministamun (havaktingitluuniit).

2.3. Manikhaakhautinut talvuna Akikhait

Imalu hannaiqhimayut tapfumani FAM 813-1, tamnalu atugakhak tapkuunanga GNkut aturniaqtun atugaliqidjutikhat maniqarvingmit-atukkiutinik humuliqaak manikharnik tingmidjutikharnik unalu hiniktarvikhangitlu.

Inmikkut akiliktakhagiyait nirdjutikhangit, hunavalungnik allaniklu akiliktauyukharnik utiqtiniaqtait akiligiikhimayainik tuyugumiuk tamna Tingmidjutikharnik Angirutikhaq Akilikhimaqtunik Titirangit, imaatun itun:

- 1) Tingmidjutikhangit hiniktaqvikhangitlu akikhangit akiliktauhimayut nanminigiyainik manikharnin talvuuna atukiutikharnin, utiqtitauniaqtun maniit nalunaitkuni titiraqhimayuq uvani Naunaitkutingni 2.4 & 2.5.
- 2) Nirdjutitait akiliktangit utiqtitauniaqtun maniit akikhatigun naunaiyagiihimayut talvani Naunaitkutarmi A-mi, kihiani allanik tuniyauhimayunik talvani uvaniituni atuqtauyukharnik (Akiliktangit naunaitkutit pigiaqangitun).



- a) Ubluq tamaat niryutiginiaqtainik akikhangit namaluangitkumi kituliqaak nunalaani, tamna havaamingnun tingmihimayuq uuktugiaqaqtun akikhaluanganik tamainik niritjutigiyanik (Akiliktangit naunaitkutingnik piqaqtukhaq). Tapkuat akiliktangit naunaitkutit tunilimaigumik, tamna utiqtitiniaqtun maningnik havaktitauniaqtun niritjutikhangit akikhangit naunaiyagiikhimayut talvani Naunaitkutarmi A-mi.
- b) Akikhangit niritjutikhangit ilauyukhaungitun talvani hiniktaqvigiyainik akikharni.
- c) Akikhangit taanganik utiqtitaulimaitun manikhangit.
- d) Taima niritjutikhangit piyagiikhimakpata kaimaryuarutaani ilihairutikharnikluuniit, niritjutikharnik ikayuutikharnik utiqtilimaitun maniit tapkuninga niritjutikharnik. Utiqtitaugiaqaqtun maniit atuqtauhimayut taima niritjutigiyanik niuviqtauvakhimagumik ikayuutikhangit naunaitkutigiyanik akiliktuutikhat tuniyaugumik.
- e) Naunaiqyumirutiqaqtuq taima tingmiyukharnik niritgiqaqtun tingmitinanik utiffaarniagumiklu aihimavingminun havakvianungluuniit nayugaini. Utiqtihimayut maniit atuqtauhimayut akiliktauyukhaungitun tingmidjutikhangit aulaniaqtunik ikaaknitigun:
- i) tingmiyukhaq niritlimaitun tupaututikharnik aihimavingmini talvuuna ikaaknitigun 06:30 unalu 08:30 ikaaknitigun;
 - ii) tuliiryuangitkumi 13:30 qangiqtumi pigiaqaqtunik ikaaknikharnik qitiqaukpan niritnaqhigumi aihimaviani;
 - iii) kinguliungitkumik 18:30 ikaarnini qangiqan unuigumi pigiaqagumiklu niringnaqhikpan aihimaviani. Utiqtitauyukhat man'ngit akiliktauyukhaungitun tingmitit tikihaqturviatigun:
 - iv) ublaanuami tikihaqtuqtuq 07:30 qangilhaaqtunik pigiaqaqtun tupautikharnik amigaqhungnaitumik;
 - v) tikhanaaqhimayuq 12:30 qangiqtinani pigiaqaqtun niritjutikharnik qitiqaukpan; unaluuniit



- vi) tikhahaqhimayut 18:30nguatnani pigiaqaqtun nirdjutikharnik niringnaqtuluni.
- 3) Allauyut ihuaqtun havaaminun tingmidjutiginiaqtun akikhangit (takulugu Naunaitkut A) utiqtigiaqaqtun man'ngit, ilauniaqtunlu ukuninga:
- a) una "Atuqtakhanullu man'ngit ikayuutigiyayut" akilikuqtanut talvuna akilikhimayainik hunavalungnun, inmi hivayautikhatnik, unalu alaanut mikaugaluaqhutik inmi akilikuqhimayait uutifaakhunguyun akilikuqhimayainik, akiliktukhanik naunaiyakhimayuni uvani Naunaitkut A, talvuuna ubluivakhimayaini aulatuq qanuginia - pidjutigiigumiuk aulatuq qanuginia avatqutkumiuk ubluik atauhirmi;
 - b) kavamat nanminiingni hivayautikukhimayunik (Akilikhimayuq titirait pigiaqaqtuq);
 - c) nutaquiutaayuq akilikuqariaqaqtunik (talvuna qanuriligangamik avatkuutpaktunik tapkuanut ihuigutivaktunik) naunairuutivaktut talvuuna aullakhuni ahinnun upautingitpakumi, imalu akikhautini hanaiqhimayunikNaunaitkut A (Akilikhimayuq titirait pigiaqaqtuq);
 - d) piiminaqtun akilikuqariaqaqtun (imaatun ituni tamayaliqiyi aquiyunun, taaksit akhaluutit, hunavalungnik) akhurnaqtun ikayuutikharnik iqaiyaliginikkut ayungnautiqqaqtun tingmiyukharnik (Akilikhimayuq titirait pigiaqaqtuq);
 - e) tamayaqarvingmun avatquhimayunik puukatalik akiliktakhainik taima havaktakhangit havaamitigut ihuaqtumik kangikhidjutikharnik tuniyaugumi (Akilikhimayuq titirait pigiaqaqtuq); unalu
 - f) aanuraanik uaqtauyut - ahiatigun malrungnik (2) ublunik havaamingni tingmiyut, unalu akikhaatigun naunaiyagiiqhimayuq Naunaitkut A (Akilikhimayuq titirait pigiaqaqtuq).
- 4) Kituliqaq havaktuvaluit aullakhuni havaaminun piimagumik iliuraqtaqhait tun'ngahuktittiniup, kihimi aulagiaqaqtun Malittiagumitku Atuquyayuyuni uvani 811, Iliuraqtaqhait Tun'ngahuktittiniup. Tapkuat akiliqtauyukhat talvunga iliuraqtaqhait tun'ngahuktittiniup naunaitkutaani.



- 5) Taaksimik uhittirvingmnik atuinnarialik (Akiliutinun naunaitkutait pijakhaungittumik Nunavunmi nunallaani taimaa akiliutaa ihuaqhihimakpan akikhaa). Talvuna atuguvit taaksikkut agyaqtuutikhatigin naunaiyattiaqhimayukhat humi pidjutikharnik nanminikharnik naunaitkumi.
- 6) Akiliktainik naunaitkutiqaqhimayut pigiaqaqtukhat (kihiani naunairutiqaqumik ilaulimaitun uvani atuqtauquyayuni) naunaiyaiyaangat havaminun tingmigumik akiliktakhangit utiqtitiyaangat manikhangit, unalu havaminun tingmihimayut havakhimaaqtukhat naunaitumik pidjutikharnik aulayukhayut uvani atuqtakharnik. Kihimi, ayungnautiqaqumik piyaangat atuluagiyainik titiranuangit himiqtaugumikluuniit akilikhimayainik, titiraqhimayukhat talvani akiliktihimaaqtaini titirangmi. Angirutiqaqtuq havaktiuyuq atiliuqtakhangit titiraqhimayainik angirutiqagumik taima ihuaqtun akiliktaingit akiliktiqhimaaqtunik maniit utiqtiauyukhat taima piqangitkumi akiliktainik naunaitkutingnik.
- 7) Tingmidjutigivakhimayaingit akiliktangit utiqtitiyaangat maniit atuqpakhimayainik piyaulimaitun talvani akiliktainik aulahimayut ilauyut talvuna hiniktaqvingit, niridjutikhangit, ikayuutikharniklu, hunavalungniklu ahikuurumi naunaitkutaani, angirutqagiikhimayut havaminun tingmidjutigiyainik naunairutiqaqangitumik piqaqtun angirutigiyaulimaituq atiliugiaqaqtunik angirutiqaqtuq.
- 8) Tapkuat kavamangit nanminikharnik tingmidjutiginiaqtainik katitirumik, avaliituq akiliktainik aulanikkut katitirniaqtait taima nanmnikkut tingmigumi ilaungitkumi utiqtitauniaqtun akiliktangit akikhangit.
- 9) Talvuuna qullinik (10) havaktunik ubluanganik iniqtiqhimagungni tingmidjutikhat, tamna havaktilutin tingmivakhimayangnik tuyuqtauuyukhaq angut/arnaq akiliktauffagianganik manikharnik talvani akiliktauvakhimayangnik talvani angirutiqagiikhimayunit Tingmidjutikhat Angirutiqaqtuq Akiliktauffagianganik Maningniklu titiraq uuktuutikhaq, piqarluni ikayuutikharnik titirangnik naunaitkutingniklu, angirutikharnik talvanga Nunavut Kavamatkuni.
- 10) Qanuqtun naunaitkutaqaligumi atukiutihimayut aulaqhuni manikhaktittaubluni, taimailliungitkuvun talvuna titiqutingitkuvun manikhaakhautikhamik himmauhiutikhamik qanuqtun quliinik (10) havaktuk ublurnik iniqtirumiuk aulaaqtamingnik naunairutiqarniaqtuq manikharnin piyaqtauniaqtun akiliktakharnik.

2.4. Ilaugatauyut Qanuritaqhaa

1) Aullaqtauyukhaq Atukkirniq:

- a) Aullaqhuni havaminun tukhigiaqaqtuq aullaqtauyukhaq atukkirnikkut talvuuna 80 pusanmik nigirutiginiyaqtainik havaminun tingmiyukhaq akikhaangit ilaungituq tingmidjutikhangit hiniktarvikhangitlu akikhaangit (Takulugu Atuqtauyukhaq 817-3).
- b) Tingmiyukharnik Hivunirmi Akiliktauvakhimayut tuniyauyukhaungitun ingilradjutikharnik hiniktaqvikharnik inungnun havakvingnunluunit atukiutiqaqtunik naunaitkungnik Nunavut Kavamangitluuniit aulautikharnik atukiutiqaqtunik atuqtauyukhat.
- c) Tapkununga havaktunut tuniyauvakhimayut tingmidjutikharnik hivunikharnik avatquhimayut utiqtifaaqtukharnik maningnik, tuniyukhauyut, talvuuna quliinik (10) havakviangit havaktunik ublurnik iniqtiqtakhagiyaat aulautirutikharnik, manikhatigun, maningnik aqiuqtutigiikhimayut avatquutigiyaangat akiliktangitnik.
- d) Havaktiuyut kituliqaak piqaqtukhaungitun avatquhimayumik atauhirmik tingmidjutikharnik hivunirmi akikharnik akiliktakharnik qakungugaikpa, kihiani amigaitun angirutiqagiikhimakpan Ministamin, Tuklia Ministaminlu, havaktiuyunikluuniit.

2) Inigilradjutikharnik:

- a) Tingmidjutikhaq akikitqianik piyuqhauyut, kihiani malikhautiqarlutik piqaqtukhat:
 - i. Minista, Tugliuyuq Ministamin, Titiraqtuiyuq Maligaliurvingmi aullainnarialrit havaamitigut, inikhaqalluatqiatigut tingmidjutait taima havaamitigut tingminiaqtun tamaita tingmivikharnik aulaviit aulagiaqagumik ublumi atauhirmik avatqungitumik hitamani ikaakninik.
 - ii. Tamaita havaktut angirutiqaqhimayut tingmiyaangat havaatigun tingmiyut aulayuniklu tingmidjutikhangit avatqukpani ilaivanik ikaakninik, angirutiqaqqata hivunikharnik pigiaqaqtunik tapfuminga



Tingmidjutait Angirutiini Utirutikhainniklu
Manningnik titiraani.

- b) Tamna pidjutikhangit uvani atuqtakharnik, aulayunik tingmiyunik ikaaknikhangit aulaniaqtun hivunirmi atauhiq ikaaknimi aulaaqtinani tikiutigigumik tikitakharniklu nunalaaniluuniit tangmaarviginiaqtaini.
 - c) Havaaminun tingmiyukhat ikayurlutik "qimaktitauyukhaungitun" ikhivautakhainik tingmitmin. Talvuuna hulilukaaligumik havaaminun tingmiyuq inmikkut "qimaktitauyumayuq" talvanga tingmivigikhaani, qanuritungumik ikayuutikhanik tapkuat tingmitingnun ikiyukharnik ikayuktiuyut ikayuutikhamingnik talvuna pitquuyayuum "qimaktitiniaqtunik" naunaitkutakgiikhunguyan talvuna akikhilakruutigiyayuyangani GN akilikariaqaqtuni.
 - d) Tingmiyukhat pidjutigiyaulimaitungnaqhiyuq havaaminun tingmiyukhaq tullirniaqtunik talvuuna nanminigiyangnik atuqtakharnik.
- 1) Akhaluutit tapfumuna Aullakhuni Havaminun Ahinungauhimayuq:
- a) Akiliqtuiyut akhaluutikhamingnik (angitqiavyaqtumik mikyumit akhaluut, angiktaugumi kihiani angiyumik akhaluutikhamik) ihuatqiyaugumi, akikitqiangupluni, angiktaugumilu aturiami hivuatigut. Kavamat akiliutait pigiaqagumik havaamitigun aulaghimayunun; angitqiyauyut akiliutait naunaiqyumiqtukhauyut. Tamna havaaminun aulaghimayuq angigiaqangituq qulangnairutikharnik (tuluqtaugumik aihuruqhimayut angirutikharnik - CDW) qulangnairutikharnik taima Nunavut Kavamangit qulangnairutiqaqtunik talvuuna ayungnautiqagumi.
 - b) Malikhautikhat atuqtakhait, nanminikkut atuqtunik akhaluutingnik Nunavut Kavamangit atuqtakharnik ihuagiyaungitkumi. Aturniaqqata inmik akhaluutimingnik havakhuni tingmijaami ingilrajaamiluuniin pijukhat angirutikhamik uumanga Minista unaluuniin Havagviup Tuglia ingilraliqtinnatik tingmitinnatikluuniin.



Akiliqtauffaarutikhanun angiqtauhimajumun aturiami inmik akhaluutimingnik piniaqtait akikhaitigun naunaitkutainik ihuaqhihimajun talvani Ilaliutihimajuq A. Qullangnaujautinun, ihuaqhaidjutinun aallanullu nanminirijanun akiligakhat nanminirijaujanun akhaluutinun nanminirijainun akiliqtakhait. GN-kut pilimaitait manikhanun pijakhat inuup akhaluutainun.

- c) Nanminigiyangnik akhaluutunik atugumik, naunairutingnik ihuaqtunik qullangnaujautit tunijukhaq Ayungnautiqaqqan Munagidjutikharnik havagviani Kiinaujaliqijitkut taima aulaqtinanik.

2) Apqutailgumi Akhaluutituqhuni Havaminun Aulaaqtuq:

- a) Aulaaqtuq Havaaminun Ahinungauhimayuq atuqhuni apqutailgumi akhaluutunik (ilauyut siikiitut, nunakuuruit haantat) mikiunik qainanik angirutiqaktukhat hivunirmi, taima akhaluutit qainatluuniit nanminiqagtunik havakvingmik atuqtitiyut nanminiqagtunikluuniit havakvingmikluuniit.
- b) Tamaita nunakuuruit hanatat hitamanik amigaituniklu kaipluarutiqaqtukhauyut. Tamna aulaaqtuq atuqtukhaq aanuraanganik angirutiqagiikhimayunik qayangnairutikharnik halmanik uhitirumi apqutailgumi aulayunik akhaluutunik, angirutiqaktukharlu nanminikharnik puptalaarutikharnik aturhimaqtukhaq mikiunik qainarni itkumi.
- c) Maningnik utiqtitauyukharnik Nunavut Kavamanmin atugumik nanminikkut apqutailgumi akhaluutunik akiliutitaitigun naunaiyagiikhimayut talvani Naunaitkut A-mi (Akilikhimayuq titirait pigiaqaqtukhaq). Qullangnaiyautikhangit, ihuaqhaidjutingnik allaniklu nanminigiyainik akikhangit nanminiqagtunik piqaqtunik apqutailgumi akhaluutunik qainaniklu nanminigiyainik munagidjutigiyakhangit.
- d) Nanminigiyangnik akhaluutunik atugumik, naunairutingnik ihuaqtunik akilitaugiaqaqtunik ihuinaaqaugumik qullangnairutikhagiyainik tuniyukhaq Ayungnautiqaqqan Munagidjutikharnik taima aulaqtinanik.

3) Nanminigiya Tingmit

Aularniaqtuq havaminun tingmiyukharnik tingmiyukhaungitun nanminiqagtunik tingmitingni, tingmitingniluuniit nanminiqangitunik laisiqangitunik naunairutiqaqtukharnik ilauyukharnik talvuuna pidjutikhatigun (takulugu atuqtakhagiyaat 815 - Tingmitingnik Akiliktauyukhat Atuqtitiyut). Havaaminun aulaqtukhaq tingminik aqutukhaungituq tingmitingnik havaaminun aulaqhimatiluni. Ministat unalu kituliqaak aulaaqatigiyaingit havaktiit ilauyukhaungitun uvani malikhautikharnin.

2.5. Hiniktarviit

1) Havakvik Itiqtirvik:

- a) Tamna aulaaqhuni havaminun naunaiyarlugit ikikhilaarutikhangit akikhangit Nunavut Kavamanmun aturluni hiniktarviit kavamangitlu akikhilaarutikhangit akikhait titiraqhimayut talvani qakuktangni mapiraarutaani Hiniktarviit Akhaluutiniklu Atuqtitiunik Naunaitkutingni titiraqhimayut talvuuna Kavamangit Havaktiuyut pigiaqagumik. Angirutikharnik atuqtakharnik angirutiqagtinanik inungnin angirutiqagtukharnik havaaminun tingmiyukharnik. Nalunaitkutaa ittuq talvani <http://www.njc-cnm.gc.ca/directive/travel-voyage/s-td-dv-a3-eng.php>. Tamna havaaminun aulaqhimayuq ihumagingitkumiuk ukuat malikhautikhangit pilimaitun maningnik utiqtitauyukharnik qaanganiitunik titiraqhimayut kavamatkuni akikhilaarutikharnin akituutainik.
- b) Talvuuna ikaaknikkut avatqungitun tuani fainik (25) tatqikhiutingit ubluangit nunalaani havaktiuyut utiqtitauniaqtun man'ngit akigiluaqtainik angirutikhaqaqtunik hiniktarvingmi.
- c) Talvuuna ikaaknikkut avatqungitun tuan fainik (25) ublunik, tamna havaminun aulaqhimayuq pigiaqaqtun ihuatqiyauyunik hanaqidjutikharnik akiktuihimaaqtukharnik hiniktarvingnik havainikkut tatqikhiutitigun akikhaatigun.

d) Tamna aullaqtitauyuq havaaminun inmiluak pidjutiqariaqaqtait nutqaqtitilugit kituliqaak atuqtaungitun tingmidjutikharnik naunaitkutikharnik taima angirutqaqtumik piyaangat ikaaknikhangit akiligiaqaqtuniklu kituliqaak akiliktauyukhat taima nutqaqtinagingutkumiu qilaminuaq. Una malikhautikhangit ihumaliugiaqaqtaingit hanaqidjutikhangit aulatitilimagumik havaaminun aulaqtitauhimayuq nutqaqtitiyuq tingmiyukharnik naunaitkutikharnik ihuagiyauyumiklu naunairutiqaqtukhat tuniyaugumi.

2) Nanminiqangitunik Nanminiaqaqtunikluuniit Itiqtirvikhat:

- a) Tamna havaaminun tingmiyukhaq atugiaqaqtun nanminiaqaqtunik hiniktaqvikharnik manitlu utiqtitauniaqtun talvuuna akikhaatigun akikhaitigun naunaiyagiikhimayuq Naunaitkutmi A (Akilikhimayuq titirait pigiaqaqtukhaq).
- b) Atuqtukhat allatqiinik itiqtirvikharnik, taimaitunik tupirnik akhaluutingnunlu agyaqtauvakhimayut, angiruqagiikhimayukhat utiqtitaugiangani akiliktainik akikhangit naunaiyagiikhimayut uvani Naunaitkut A (Akilikhimayuq titirait pigiaqaqtukhaq).

2.6. Atanigaqviani Havakvik Aulaqtunik

Havaaminun tingmiyukhat utiqtitauniaqtun akikhangit allatqiimik atugumik ingilradjutikharnik akikhaatigun ilauvakhimayuq taima havakhimaaqtilunik havaktakhangit talvani atanigarvingmi nayugaini haniani. Talvuuna Nunavut Kavamangit angirutitigun, akiliktakhangit havaktauyukhat ingilradjutikharnik talvani atanigarvingmi nayugaini haniani havaaminun aulahimayuq talvuuna malikhautikhatigun atuqtakharnik:

- a) Talvuuna taaksikhangit akungani nayugaani aihimavingminunlu humi havaktakhangit tingmiyukhaq pigiaqaqtuq havagianganik havaguirnaqhikpan avugiikhugit havaknaitiluni ikaakningit, hilaup unghahiktalaangitlu ayungnautigigumitku atugianganik angut/arnaq naunaitumik atuqtakharnik talvungauyaangat algilrauyaangatluuniit havaamingni; unaluuniit
- b) ingilradjutikhangit pigiaqagumi talvuuna ihumaliurnikkut aulatitiyaangat angiyunik iniqhimayunik titiqanik, talvuunaluuniit ikaaknitigun aturniaqtun hanaqidjutikharnik aturniaqtunik ihuagiyauhimayut talvuuna atuqtakharnik.



NAUNAITKUT A

Nunavut Kavamangit utiqtitiniaqtun maningnik havaaminun aulqtitauhimagunun akikhangit aulahimagun taima angirutiqagumik havaaminun aulqhimatiluni. Tamna akikhangit nirdjutikhangit, hunavalungniklu, unghahiktilaarutainik atuqtunik aulagumik tapkuninga naunaiyagiihimayut kanatam kavamatkuni Maniliqiyiyualiqiyunik Katimayiinik. Ukuat akikhangit naunaiyagiihimayuq ihivriuqtauvakhimayut malruiqtuqhutik ukiungani naunaitauvakhimayut tautuktauyaangat, aulayukhat talvuuna Qitiqqauiyuq 1mi Tattiarnaqtuq 1mi ukiuk tamaat. Tamna Maniliqivimmi Havaktiuyuq talvuuna Nunavut Kavamatigun ihivriungniaqtait aulatitilugitlu kituliqaak allanguqtiqhimayunik talvunga Nunavut Kavamanmun akikhaatitigun.

AKIKHAIIT (Atuliqqan – Qitiqqauiyuq 1, 2024)

Havagiqahutik Aullaqtut

Nirdjutinik unalu Hunavalungnik Akikhangit tingmigumik aihinun talvani malikhautikharnik nayugaini:

Talvuna ubluini aullakhuni havaaminun avatquhimaitunik twenty-five geyunik (25) tatqikhiutimi ubluinik, akikhangit akiliktauyut ataaniitun akiiktauniaqtun. Tamna havaktiuyuq tingmidjutikharnik naunaitkutaani ilanganu ubluq pigiaqqaqtuq ilanganik manikharnik utiqtitiyaangat inungnik nirdjutikhangit hunavalungniklu akiligiaqqaqtunik aulagiqagumi.

| | Nunavunmi | Nunattiaq | Yukon/Alaska | Kanata/USA |
|--------------------------------------|-----------|-----------|--------------|------------|
| Tupauttanut | \$30.10 | \$28.20 | \$25.95 | \$24.90 |
| Qitiqaunirmi nirivik | \$36.55 | \$34.25 | \$23.80 | \$25.20 |
| Nirinnaqhikpat Unnuagulihaaliqqat | \$97.35 | \$73.25 | \$68.65 | \$61.85 |
| Hunavalukhanut | \$17.30 | \$17.30 | \$17.30 | \$17.30 |
| Attautimut ubluq tamaat | \$181.30 | \$153.00 | \$135.70 | \$129.25 |

Tapfumaungitumi uvani nunalingni huumi haluumakhiyuktuni ittiqtirvikni nalliak naruugiyakhaungituq igluaq imalu ittiqtirvikhamik qanuritumi pivikhaitun, qakugu aulqatukhauyup naunaitkuutait hivituuyuumik hivitunia twenty-five (25) tatqikhiutimi ubluini talvani nunalingni, tamna akituuniannin manikhakhautikharnik talvuna **niridjuutikharnik** (takulugu naunaiyaghimayut uvani qullani uma) qanuqtunmi akikhilaaktukhauyuq twenty dollars mik (\$20.00) qaffit ublut ilaliutilugit ubluit talvani avatquutpata twenty-five nik (25) tatqikhiutum ubluingitni.



Inungni Hiniktaqtut

Uvani Nunavut - \$75.00 qaffit uunuami (Akilikhimayuq naunaitkutak pikariakangituq)

Hillatani Nunavut - \$50.00 qaffit uunuami (Akilikhimayuq naunaitkutak pikariakangituq)

Nutaqikipqainikmun

\$45.00 ubluk atauhikmi, qaffit nutakkat (Akilikhimayuq naunaitkutak pidjutikariakaktuq)

Aanuraanik Uaqhiviat

Ahiagut malrungnik (2) ublungit malrungnik talvuna aullaqhuni havaaminun, avvatqulimaitaa pingahunik maningmik (\$3.00) ubluk atauhirni talvuna ublumani (Akilikhimayuq naunaitkuta pidjutiqariaqaqtuq)

Aulaninga Akhaluutituqtunik

Akhaluutiliqiyut:

Tapfumuna akikhautini akiliutitaaqtuq ima maningnik ingilragumi qaffinik talvuna atukgumi nanminilik akhaluutimik uvuna angikgiakaktumi kavamat nanminilingni aullaruta ima \$0.69/km (taaksiiliukhimayut ilahimayuq).

Una akkikhautikhanik piyuq attautimut aullaknikmun

uvani unalu hilatanilu Nunavut. Apquttaungitumi

Akhaluutit:

Nunavut Kavamangat Ilaugiinnariaqarnimun \$7.50

tallakharniaqtun ikaaknirmi atauhirni aturutaatigun

(Ilakharniaqtunlu \$5.00 tallakharniaqtaat ubluq

atauhirni ilangani ubluangani aturutaatigun)

Havakhimaaqhutik tingmihimayuq ihuarutikharnik atuqtainik \$7.50 ikaaknirmi
atauhirni aturutaatigun



Aullakhuni Havaminun Ahinnungauhimayuq Hilaryuami:

Ubluq atauhiq akikhautini hilaryuami pidjutikariakaktun naunaiyaklugit atuklugit tapquat hilaryuami manikhautigilkparaini akikhautini titiqangmungakhimayuut talvani Kavamata Kanatami Hilaryuami Attautimiuyut Katimayiit qaritauyakuruuta qunngiarviingit. Una qaritauyakuguuta quuniakviingit pidjutautaktuq Aullakhuni Ahinungauhimayuq Havaminun Manikhaakhautikhak akikhautini naunaiktauhimayut nunallaani manikhakhautikhanik tapfuma aullaktidjutikhaminik nunaani. Tamna Qaritauyakuguuta Quuniakviingit atani uma:

http://www.njc-cnm.gc.ca/directive/app_d.php?lang=eng

Tamna himauhiutihimayun akikhautini attuqtauqariaqaqtun naunaiyalikgumitkik tapfumuna Kanaittian maniannik adjikutariigumiuk tapkuunanga Hilaryuami Attayut Katimayiit Aullaktitauyum Manikhaakhaut akikhautini tapkunanga piyauhimayut tapkuunanga Maniqarvianin tapkuat Kanatami. Tamna Qaritauyakuguuta Quuniakviingit atani uma:

<https://www.bankofcanada.ca/rates/>

Aullaktitauyuut Havaamingnun pidjutikariakaktun naunaitkutanik 2.3 –Manikhaakhautikhamut Akiliktukariakaktunik talvuna malikturiaqaqtunik, imalu 2) a), naunaitkutaini " *imalu niriidjutikhanik manikhaakhautikhamik atuulimaitpan talvani nunalingni, tamna aullaktitauyuk pidjutigitaqaqtait manikhaakhautikhamik akiliktuqariaqaqtunik tamainun niriidjuutikhanik (Akilikhimayuq naunaitkutak pidjutiqariaqaqtuq). Imalu naunaitquutat piyaullimaitpaata, akiliktuqhimayunik pidjutahunguyun niriidjutinut titiraqhimayuni uvani Uiuagani A.*"